

四庫全書薈要

• 乾隆御覽本

史部

史記卷十

漢

太

史

令司馬遷

撰

宋中郎外兵曹

參

軍裴

駙集解

唐國子博士弘文館博士司馬貞素隱

唐諸王侍讀率府長史張守節正義

孝文本紀第十

孝文皇帝

集解駢案漢書音義曰諱恒

高祖中子也高祖十一年春

已破陳豨軍定代地立為代王都中都

正義括地志云中都故城在汾

州平遙縣西南十二里秦屬太原郡也

太后薄氏子即位十七年高后八

年七月高后崩九月諸呂呂產等欲為亂以危劉氏大

臣共誅之謀召立代王事在呂氏語中丞相陳平太尉

周勃等使人迎代王代王問左右郎中令張武等張武

等議曰漢大臣皆故高帝時大將習兵多謀詐此其屬

意非止此也特畏高帝呂太后威爾今已誅諸呂新噍

血京師

集解駟案公羊傳曰京大師衆也天子之居必以衆大之辭言也索隱漢書噍作喋音玷丁牒

反漢書陳湯杜業皆言喋血無盟此以迎大王為名實
歆事廣雅云喋履也謂履涉之

不可信願大王稱疾毋往以觀其變中尉宋昌進曰

索隱

東觀漢記宋楊傳宋義後有宋昌又會稽典錄昌宋義孫也

羣臣之議皆非也夫秦

失其政諸侯豪傑並起人人自以為得之者以萬數然

卒踐天子之位者劉氏也天下絕望一矣高帝封王子

弟地犬牙相制

索隱言封子弟境土交接若犬之牙不正相當而相銜入也

此所謂

磐石之宗也

索隱言其固如磐石此語見太公六韜

天下服其彊二矣漢

興除秦苛政約法令施德惠人人自安難動搖三矣夫

以呂太后之嚴立諸呂為三王擅權專制然而太尉以

一節入北軍

索隱即紀通所矯帝之節

一呼士皆左袒為劉氏叛諸

呂卒以滅之此乃天授非人力也今大臣雖欲為變百

姓弗為使其黨寧能專一邪方今內有朱虛東牟之親

外畏吳楚淮南琅邪齊代之彊方今高帝子獨淮南王

與大王大王又長賢聖仁孝聞於天下故大臣因天下

之心而欲迎立大王大王勿疑也代王報太后計之猶

與未定卜之龜卦兆得大橫

集解應劭曰以荆灼龜文正橫

占曰大橫

庚庚余為天王夏啟以光

集解服虔曰庚橫貌也李奇曰庚其繇文也張晏曰橫行

無思不服庚更也言去諸侯而即帝位也先是五帝官天下老則禪賢王啟始傳父爵乃能光洽先君之基業文帝亦襲父迹言似夏啟者也索隱荀悅云大橫龜兆橫理也按庚猶更言以諸侯更帝位也繇抽也所以抽出吉凶之情也杜預云繇兆辭也音胄漢書蓋寬饒云五帝官天下三王家天下官以傳賢人家以傳子孫官猶公也謂代王曰寡人固已為王矣又何王卜人曰所不私也

謂天王者乃天子於是代王乃遣太后弟薄昭往見絳侯絳侯等具為昭言所以迎立王意薄昭還報曰信矣毋可疑者代王乃笑謂宋昌曰果如公言乃命宋昌參

乘張武等六人乘傳詣長安至高陵休止

正義括地志云高陵故城

在雍州高陵縣西南一里本名橫橋駕渭水上三輔舊事云秦於渭南有興樂宮渭北有咸陽宮秦昭王欲通

二宮之間造長橫橋三百八十步橋北京石水中舊有忖留神像此神曾與魯班語班令其出留曰我貌醜卿善圖物容不出班於是拱手與語曰出頭見我留乃出首班以脚畫地忖留覺之便沒水故置其像於水上唯有腰以上魏太祖馬而使宋昌先馳之長安觀變昌至見而驚命移下之

渭橋

集解蘇林曰渭橋在長安北三里索隱三輔故事咸陽宮在渭北興樂宮在渭南秦昭王通兩宮之

間作渭橋長三百八十步又關中記云石柱以北屬扶風石柱以南屬京兆也

丞相以下皆迎

宋昌還報代王馳至渭橋羣臣拜謁稱臣代王下車拜

太尉勃進曰願請聞言

索隱包愷音閑言欲向空閑處語顏師古云閑容也猶言中閑

請容暇之頃當有所陳不欲即公論也

宋昌曰所言公公言之所言私王

者不受私太尉乃跪上天子璽符代王謝曰至代邸而

議之

索隱說文云邸屬國舍

遂馳入代邸羣臣從至丞相陳平太

尉周勃大將軍陳武御史大夫張蒼宗正劉郢

集解駟案漢書

百官表曰宗正秦官應劭曰周成王時彤伯入為宗正

朱虛侯劉章東牟侯劉興

居典客劉揭皆再拜言曰子弘等皆非孝惠帝子不當

奉宗廟臣謹請與陰安侯

集解蘇林曰高帝兄伯侯妻羹頡侯信母丘嫂也列侯

項王后

集解徐廣曰代項王劉仲之妻駟按蘇林曰仲子潁為吳王故追謚為項王也如淳曰項王后

封陰安侯時呂頤為臨光侯蕭何夫人亦為酈侯又宗室表此時無陰安知其為項王后也索隱按蘇林徐廣

韋昭以為二人封號而樂彥如淳以項王后別封陰安侯與漢祠令相會今以陰安是別人封爵非也項王后是代項王后文帝之伯母代王降為郃陽侯故云列侯項王后韋昭曰陰安屬魏郡也與琅邪王

宗室大臣列侯吏二千石議曰大王高帝長子宜為高

帝嗣願大王即天子位代王曰奉高帝宗廟重事也寡

人不佞不足以稱宗廟願請楚王計宜者

集解蘇林曰楚王名交高

帝弟索隱交高帝弟最尊言更請楚王計宜者故下云皆為宜也

寡人不敢當羣臣皆

伏固請代王西鄉讓者三南鄉讓者再

集解如淳曰讓羣臣也或曰賓

主位東西面君臣位南北面故西鄉坐三讓不受羣臣猶稱宜乃更迴坐示變即君位之漸也

丞相平

等皆曰臣伏計之大王奉高帝宗廟最宜稱雖天下諸

侯萬民以為宜臣等為宗廟社稷計不敢忽願大王幸

聽臣等臣謹奉天子璽符再拜上代王曰宗室將相王

列侯以為莫宜寡人寡人不敢辭遂即天子位羣臣以

禮次侍乃使太僕嬰與東牟侯興居清宮

集解應劭曰舊典天子行

幸所至必遣靜宮令先案行清靜殿中以虞非常索隱按漢儀云皇帝起居索室清宮而後行

奉天子

法駕迎於代邸

索隱漢官儀云天子鹵簿有大駕法駕小駕大駕公卿奉引大將軍參乘屬車

八十一乘法駕公卿不在鹵簿中惟京兆尹執金吾長安令奉引侍中參乘屬車三十六乘

皇帝即

日夕入未央宮乃夜拜宋昌為衛將軍鎮撫南北軍以

張武為郎中令行殿中還坐前殿於是夜下詔書曰間

者諸呂用事擅權謀為大逆欲以危劉氏宗廟賴將相

列侯宗室大臣誅之皆伏其辜朕初即位其赦天下賜

民爵一級女子百戶牛酒

集解蘇林曰男賜爵女子賜牛酒索隱按封禪書云百戶

牛一頭酒十石樂彥云婦人無夫或無子不需爵故賜之

酺五日

集解文潁曰漢律三人已上無故羣

飲罰金四兩今詔橫賜得令會聚飲食五日索隱說文云酺王者布德大飲酒也出錢為釀出食為酺又按趙武靈王滅中山酺五日是其所起遠也

孝文皇帝元年十月庚戌徙立故琅邪王濞為燕王辛

亥皇帝即阼

正義主人階也

謁高廟右丞相平徙為左丞相

正義

此時尚右

太尉勃為右丞相大將軍灌嬰為太尉諸呂所奪

齊楚故地皆復與之壬子遣車騎將軍薄昭迎皇太后

于代皇帝曰呂產自置為相國呂祿為上將軍擅矯遣

灌將軍嬰將兵擊齊欲代劉氏嬰留滎陽弗擊與諸侯

合謀以誅呂氏呂產欲為不善丞相陳平與太尉周勃

謀奪呂產等軍朱虛侯劉章首先捕呂產等太尉身率

襄平侯通持節承詔入北軍典客劉揭身奪趙王呂祿

卬益封太尉勃萬戶賜金五十斤丞相陳平灌將軍嬰

邑各三千戶金二十斤朱虛侯劉章襄平侯通東牟侯

劉興居邑各二千戶金十斤

集解徐廣曰十一月辛丑

封典客揭為

陽信侯

索隱韋昭云勃海縣正義括地志云陽信故城在滄州無棣縣東南三十里漢陽信縣

賜

金千斤十二月上曰法者治之正也所以禁暴而率善

人也今犯法已論而使母罪之父母妻子同產坐之及
為收孥朕甚不取其議之有司皆曰民不能自治故為
法以禁之相坐坐收所以累其心使重犯法所從來遠
矣如故便上曰朕聞法正則民慤罪當則民從且夫牧
民而導之善者吏也其既不能導又以不正之法罪之
是反害於民為暴者也何以禁之朕未見其便其孰計
之有司皆曰陛下加大惠德甚盛非臣等所及也請奉

詔書除收孥諸相坐律令

集解應劭曰孥子也秦法一人有罪并坐其家室今除此

律正月有司言曰蚤建太子所以尊宗廟請立太子上

曰朕既不德上帝神明未歆享天下人民未有嘽志索隱

嘽者不滿之意也未有嘽志言天下皆志不滿也漢書嘽作慫音篋今縱不能博求天下

賢聖有德之人而禪天下焉而曰豫建太子是重吾不

德也謂天下何其安之索隱言何以謂於天下也其發聲也安者徐也言徐徐以待也

有司曰豫建太子所以重宗廟社稷不忘天下也上曰

楚王季父也春秋高閱天下之義理多矣集解如淳曰閱猶言多所

更歷明於國家之大體吳王於朕兄也惠仁以好德淮

南王弟也秉德以陪朕

集解文穎曰陪輔也

豈為不豫哉諸侯王

宗室昆弟有功臣多賢及有德義者若舉有德以陪朕

之不能終是社稷之靈天下之福也今不選舉焉而曰

必子人其以朕為忘賢有德者而專於子非所以憂天

下也朕甚不取也有司皆固請曰古者殷周有國治安

皆千餘歲古之有天下者莫不長焉用此道也

索隱言古之有

天下者無長於立子故云莫長焉用此道者用殷周立子之道故安治十有餘歲也立嗣必子所

從來遠矣高帝親率士大夫始平天下建諸侯為帝者

太祖諸侯王及列侯始受國者皆亦為其國祖子孫繼嗣世世弗絕天下之大義也故高帝設之以撫海內今釋宜建而更選於諸侯及宗室非高帝之志也更議不

宜

索隱言不
宜更別議

子某最長純厚慈仁請建以為太子上下乃

許之因賜天下民當代父後者爵各一級

集解韋昭曰
文帝以立子

為後不欲獨饗其福故
賜天下為父後者爵

封將軍薄昭為軹侯

集解徐廣
曰正月乙

也三月有司請立皇后薄太后曰諸侯皆同姓立太子

母為皇后

索隱謂帝之子為諸侯王皆同姓
生也言皆同母生故立太子母也

皇后姓

竇氏上為立后故賜天下鰥寡孤獨窮困及年八十已

上孤兒九歲已下布帛米肉各有數上從代來初即位

施德惠天下鎮撫諸侯四夷皆洽驩乃循從代來功臣

上曰方大臣之誅諸呂迎朕朕狐疑皆止朕唯中尉宋

昌勸朕朕以得保奉宗廟已尊昌為衛將軍其封昌為

壯武侯

集解徐廣曰四月辛亥封封三十四年景帝中四年奪侯國除索隱韋昭云膠東縣正義括地

志云壯武侯故城在萊州即墨縣西六十里古萊夷國有漢壯武縣故城

諸從朕六人官皆

至九卿

正義漢置九卿一曰太常二曰光祿三曰衛尉四曰太僕五曰廷尉六曰大鴻臚七曰宗正八

曰大司農九曰少府是為九卿也上曰列侯從高帝入蜀漢中者六十

八人皆益封各三百戶故吏二千石以上從高帝潁川

守尊等十人食邑六百戶淮陽守申屠嘉等十人五百

戶衛尉定等十人四百戶封淮南王舅父趙兼為周陽

侯正義括地志云周陽故城在絳州聞喜縣東二十九里齊王舅父駘鈞為清郭

侯集解如淳曰邑名六國時齊有清郭君清音靜索隱按表駘鈞封鄔侯不同者蓋後徙封於鄔鄔屬鉅鹿

秋封故常山丞相蔡兼為樊侯索隱韋昭云樊東平縣名正義括地志云漢樊

縣城在兗州瑕丘西南二十五里地人或說右丞相曰理志云樊縣古樊國仲山甫所封

君本誅諸呂迎代王今又矜其功受上賞處尊位禍且

及身右丞相勃乃謝病免罷左丞相平專為丞相

集解徐廣

曰八月

二年十月丞相平卒復以絳侯勃為丞相上曰朕聞古

者諸侯建國千餘歲各守其地以時入貢民不勞苦上

下驩欣靡有遺德今列侯多居長安邑遠吏卒給輸費

苦而列侯亦無由教訓其民

正義訓古訓字

其令列侯之國為

吏及詔所止者遣太子

集解張晏曰為吏謂以卿大夫為兼官者詔所止特以恩愛見

留十一月晦日有食之

正義按說文云日蝕則朔月蝕則望而云晦日食之恐厯錯誤

十二月望日又食

集解徐廣曰此云望日又食按漢書及五行志無此日蝕文也一本作月

食然史書不紀月蝕

上曰朕聞之天生蒸民為之置君以養治之

人主不德布政不均則天示之以菑以誠不治乃十一

月晦日有食之適見于天菑孰大焉朕獲保宗廟以微

眇之身託于兆民君王之上天下治亂在朕一人唯二

三執政猶吾股肱也朕下不能理育羣生上以累三光

之明其不德大矣今至其悉思朕之過失及知見思之

所不及白以告朕及舉賢良方正能直言極諫者以匡

朕之不逮因各飭其任職務省繇費以便民朕既不能

遠德故憫然念外人之有非

集解駟案漢書音義曰憫然猶介然也非奸非也索

隱蘇林云憫寢視不安之貌蓋近其意餘說皆疎音下板反

是以設備未息今縱不

能罷邊屯戍而又飭兵厚衛其罷衛將軍軍太僕見馬

遺財足

索隱遺猶留也財字與纔同言太僕見在之馬今留纔足充事也

餘皆以給置

傳

索隱按廣雅云置驛也續漢書云驛馬三十里一置故樂彥亦云傳置一也言乘傳者以傳次受名乘置

者以馬取匹傳音丁戀反如淳云律四馬高足為傳置四馬中足為馳置下足為乘置一馬二馬為軺置急乘

一馬曰

正月上曰農天下之本其開籍田

集解應劭曰古者天子耕

籍田千畝為天下先籍者帝王典籍之常章昭曰籍借也借民力以治之以奉宗廟且以勸率天下使務農也

瓚曰景帝詔曰朕親耕后親桑為天下先本朕親率耕以躬親為義不得以假借為稱也籍蹈籍也

以給宗廟粢盛

集解應劭曰黍稷曰粢在器中曰盛

三月有司請立皇子

為諸侯王上曰趙幽王幽死朕甚憐之已立其長子遂

為趙王遂弟辟彊及齊悼惠王子朱虛侯章東牟侯興

居有功可王乃立趙幽王少子辟彊為河間王以齊劇

郡立朱虛侯為城陽王立東牟侯為濟北王皇子武為

代王子參為太原王子揖為梁王上曰古之治天下朝

有進善之旌

集解應劭曰旌旗也堯設之五達之道令民進善也如淳曰欲有進善者立於旌下

言誹謗之木

集解服虔曰堯作之橋梁交午柱頭應劭曰橋梁邊板所以書政治之愆失也至秦

去之今乃復施也索隱按尸子云堯立誹謗之木誹音非亦音沸韋昭云慮政有闕失使書於木此堯時然也後代因以為飾今宮外橋梁頭四柱木是鄭玄注禮云一縱一橫為午謂以木貫表柱四出即今之華表崔浩以為木貫柱四出名桓陳楚俗桓聲也所以通治道而來近和又云和表則華與和又相訛也

諫者今法有誹謗妖言之罪是使衆臣不敢盡情而上無由聞過失也將何以來遠方之賢良其除之民或祝

詛上以相約結而後相謾

集解駟案漢書音義曰民相結共祝詛上也謾者而後謾

而止之不畢祝詛也索隱韋昭云謾相抵闌也說文云謾欺也謂初相約共行祝後相欺誑中道而止之也

吏以為大逆其有他言而吏又以為誹謗此細民之愚

無知抵死朕甚不取自今以來有犯此者勿聽治九月

初與郡國守相為銅虎符竹使符

集解應劭曰銅虎符第一至第五國家當

發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符以代

古之珪璋從簡易也索隱漢舊儀銅虎符發兵長六寸竹使符出入徵發說文云符分而合之小顏云右留京

師左與之古今註云銅虎符銀錯書之張晏云銅取其同心也

三年十月丁酉晦日有食之十一月上曰前日計遣列
侯之國或辭未行丞相朕之所重其為朕率列侯之國
絳侯勃免丞相就國以太尉潁陰侯嬰為丞相罷太尉
官屬丞相四月城陽王章薨淮南王長與從者魏敬殺
辟陽侯審食其五月匈奴入北地居河南為寇帝初幸

甘泉

集解蔡邕曰天子車駕所至民臣以為僥倖故曰幸至見令長三老官屬親臨軒作樂賜食帛越巾

刀佩帶民爵有級數或賜田租之半故因是謂之幸索
隱應劭曰甘泉宮名在雲陽一名林光臣瓚云甘泉山
名林光秦離宮名又顧氏按邢承宗西征賦註云甘
泉水名今按因地有甘泉以名山則山水皆通也

六

月帝曰漢與匈奴約為昆弟毋使害邊境所以輸遺匈

奴甚厚今右賢王離其國將衆居河南降地非常故往

來近塞捕殺吏卒驅保塞蠻夷令不得居其故陵轢邊

吏入盜甚教無道非約也其發邊吏騎八萬五千詣高

奴遣丞相潁陰侯灌嬰擊匈奴匈奴去發中尉

集解駟案漢書

百官表曰中尉秦官材官屬衛將軍軍長安辛卯帝自甘泉之高

奴因幸太原見故羣臣皆賜之舉功行賞諸民里賜牛

酒復晉陽中都民

正義晉陽故城在汾州平遙縣西南十三里

三歲留游太

原十餘日濟北王興居聞帝之代欲往擊胡乃反發兵欲襲滎陽於是詔罷丞相兵遣棘蒲侯陳武為大將軍

將十萬往擊之祁侯賀為將軍軍滎陽

集解徐廣曰賀姓繒以文帝十

一年卒謚曰敬索隱漢書音義祁音遲賀姓繒繒古國夏同姓也正義括地志云并州祁縣城晉大夫祁奚之

邑

七月辛亥帝自太原至長安乃詔有司曰濟北王背

德反上誅誤吏民為大逆濟北吏民兵未至先自定及

以軍地邑降者皆赦之復官爵與王興居去來亦赦之

集解徐廣曰乍去年來也駟按張晏曰雖始與興居反今降赦之

八月破濟北軍虜其

王赦濟北諸吏民與王反者

六年有司言淮南王長廢先帝法不聽天子詔居處母
度出入擬於天子擅為法令與棘蒲侯太子竒謀反遣
人使閩越及匈奴發其兵欲以危宗廟社稷羣臣議皆
曰長當棄市帝不忍致法於王赦其罪廢勿王羣臣請

處王蜀嚴道邛都

集解徐廣曰漢書本或作邛字或直云邛熒邛都乃本是西南夷爾時未

通嚴道有邛熒山正義邛其恭反括地志云嚴道今為縣即邛州所理縣也縣有蠻夷曰道故曰嚴道邛都縣本邛都國漢爲縣今嵩州也西南夷傳云滇池以北君長以十數邛都最大是也按羣臣請處淮南王長蜀之嚴

道不爾更遠邛都西有邛峽山也又云邛峽山在雅州榮經縣界榮經武德年置本秦嚴道地華陽國志云邛

筭山故邛人筭人界也山巖峭峻曲回九折乃至上下有凝冰按即王尊登者也今從九折西南行至雋州山

多雨少晴俗呼名為漏天帝許之長未到處所行病死上憐之後十

六年追尊淮南王長謚為厲王立其子三人為淮南王

索隱名安衡山王索隱名勃廬江王索隱名賜

阜陵侯也

安陽侯也

廬江王

周陽侯也

十三年夏上曰蓋聞天道禍自怨起而福繇德興百官

之非宜由朕躬今祕祝之官移過于下

集解應劭曰祕祝之官移過于

下國家諱以彰吾之不德朕甚不取其除之五月齊太

倉令淳于公有罪當刑

索隱名意為齊太倉令故謂太倉公也

詔獄逮徙

繫長安太倉公無男有女五人太倉公將行會逮罵其

女曰生子不生男有緩急非有益也其少女緹縈

索隱緹音

啼鄒氏音體也

自傷泣乃隨其父至長安上書曰妾父為吏齊

中皆稱其廉平今坐法當刑妾傷夫死者不可復生刑

者不可復屬雖復欲改過自新其道無由也妾願沒入

為官婢贖父刑罪使得自新書奏天子天子憐悲其意

乃下詔曰蓋聞有虞帝之時畫衣冠異章服以為僂

正義

晉書刑法志云三皇設言而民不違五帝畫衣冠而民知禁犯黥者卑其巾犯劓者丹其服犯臍者墨其體犯官者雜其屨大辟之罪殊刑之極布其衣裾而無領緣投之於市與衆棄之而民不犯何則

至治也今法有肉刑三而姦不止

集解李奇曰約法三章無肉刑文帝則有

肉刑孟康曰黥劓二左右趾合一凡三索隱韋昭云斷趾黥劓之屬崔浩漢律序云文帝除肉刑而宮不易張斐註云以淫亂人族類故不易之也其咎安在非乃朕德薄而教不明歟

吾甚自愧故夫訓道不純而愚民陷焉詩曰愷悌君子民之父母今人有過教未施而刑加焉或欲改行為善而道無由也朕甚憐之夫刑至斷支體刻肌膚終身不

息何其楚痛而不德也豈稱為民父母之意哉其除肉
刑上曰農天下之本務莫大焉今勤身從事而有租稅
之賦是為本末者無以異其於勸農之道未備其除田
之租稅

集解李奇曰本農也末賈也言農與賈俱出租無異也故除田租

十四年冬匈奴謀入邊為寇攻朝那塞殺北地都尉印

集解徐廣曰姓孫封其子單為胡侯匈奴所殺

上乃遣三將軍軍隴西北地上

郡中尉周舍為衛將軍郎中令張武為車騎將軍軍渭
北車千乘騎卒十萬帝親自勞軍勒兵申教令賜軍吏

卒帝欲自將擊匈奴羣臣諫皆不聽皇太后固要帝

集解

如淳曰必不得自征也

帝乃止於是以東陽侯張相如為大將軍

成侯赤為內史

集解徐廣曰赤姓董

樂布為將軍擊匈奴匈奴遁

走春上曰朕獲執犧牲珪幣以事上帝宗廟十四年于

今歷日縣長以不敏不明而久撫臨天下朕甚自愧其

廣增諸祀墠場珪幣昔先王遠施不求其報望祀不祈

其福右賢左戚

集解韋昭曰右猶高左猶下也索隱劉德云先賢後親也

先民後已

至明之極也今吾聞祠官祝釐

集解如淳曰釐福也賈誼傳受釐坐宣室索隱

音禧也皆歸福朕躬不為百姓朕甚愧之夫以朕不德而

躬享獨美其福百姓不與焉是重吾不德其令祠官致

敬毋有所祈是時北平侯張蒼為丞相方明律歷魯人

公孫臣上書陳終始傳五德事

索隱五行之德帝王相承傳易終而復始故云

終始傳五德之事傳音轉也

言方今土德時土德應黃龍見當改正

朔服色制度天子下其事與丞相議丞相推以為今水

德始明正十月上黑事以為其言非是請罷之

十五年黃龍見成紀

集解韋昭曰成紀縣屬天水

天子乃復召魯公

孫臣以為博士申明土德事於是上乃下詔曰有異物

之神見於成紀無害於民歲以有年朕親郊祀上帝諸

神禮官議毋諱以勞朕

集解駟案漢書音義曰言無所諱勿以朕為勞

有司禮

官皆曰古者天子夏躬親禮祀上帝於郊故曰郊於是

天子始幸雍郊見五帝以孟夏四月答禮焉趙人新垣

平以望氣見因說上設立渭陽五廟

集解韋昭曰在渭城

欲出周

鼎當有玉英見

集解駟案瑞應圖云玉英五常並脩則見

十六年上親郊見渭陽五帝廟亦以夏答禮而尚赤

十七年得玉璽

集解應劭曰新垣平詐令人獻之

刻曰人主延壽於是

天子始更為元年

索隱秦本紀惠文王十四年更為元年又汲冢竹書魏惠王亦有後元當

取法於此又按封禪書以新垣平候日再中故改元也

令天下大酺其歲新垣平

事覺夷三族後二年上曰朕既不明不能遠德是以使

方外之國或不寧息夫四荒之外不安其生

索隱顧胤按爾雅孤

竹北戶西王母日下謂之四荒

封畿之內勤勞不處二者之咎皆自於

朕之德薄而不能遠達也間者累年匈奴並暴邊境多

殺吏民邊臣兵吏又不能諭吾內志以重吾不德也夫

久結難連兵中外之國將何以自寧今朕夙興夜寐勤勞天下憂苦萬民為之怛惕不安未嘗一日忘於心故

遣使者冠蓋相望結軼

音轍

於道以諭朕意於單于

集解韋昭

曰使車往還故轍如結也相如曰結軌還轅索隱鄒氏軼音逸漢書作轍顧氏按司馬彪云結謂車轍回旋錯

也結今單于反古之道計社稷之安便萬民之利親與朕

俱棄細過偕之大道結兄弟之義以全天下元元之民

索隱戰國策云制海內子元元非兵不可高誘註云元元善也又按姚察云古者謂人云善人也因善為元故云黎元其言元元者非一人也顧野王云元元猶喁喁可憐愛貌未安其說聊記異也和親已定

始于今年後六年冬匈奴三萬人入上郡三萬人入雲

中以中大夫令勉

集解徐廣曰衛尉改名也駟案漢書百官表景帝初改衛尉為中大夫令

非此年也索隱中大夫令是官號勉其名後此官改為光祿勳虞世南以此稱中大夫令是史家追書爾顏遊

秦以令是姓勉是名為中大夫為車騎將軍軍飛狐

集解

如淳曰在代郡故楚相蘇意為將軍軍句注

集解應劭曰山險名

蘇林曰在上黨也鴈門陰館索隱伏儼

將軍張武屯北地河內守周亞

夫為將軍居細柳

集解徐廣曰在長安西駟按如淳曰長安圖細柳倉在渭北近石澂張揖

曰在昆明池南今有柳市是也索隱按三輔故事細柳在直城門外阿房宮西北維又匈奴傳云細柳在長安

西如淳云在渭北非也

宗正劉禮為將軍居霸上祝茲侯

集解徐廣曰表

作松茲侯姓徐名悍

軍棘門

集解徐廣曰在渭北駟按孟康曰在長安北秦時宮門也如淳曰三輔黃

圖棘門在橫門外

以備胡數月胡人去亦罷天下旱蝗帝加惠

令諸侯毋入貢弛山澤

集解韋昭曰弛廢其常禁以利民

減諸服御狗

馬損郎吏員發倉庾以振貧民

集解應劭曰水漕倉曰庾胡公曰在邑曰倉在

野曰庾索隱郭璞註三蒼云庾倉無屋也胡公名廣後漢太尉作漢官解詁也

民得賣爵

索隱崔浩

云富人欲爵貧人欲錢故聽買賣

孝文帝從代來即位二十三年宮室

苑囿狗馬服御無所增益有不便輒弛以利民嘗欲作

露臺

集解徐廣曰露一作靈索隱顧氏按新豐南驪山上猶有臺之舊趾也

召匠計之直

百金上曰百金中民十家之產吾奉先帝宮室常恐羞

之何以臺為上常衣綈衣

集解如淳曰賈誼云身衣皂綈

所幸慎夫人

令衣不得曳地幃帳不得文繡以示敦朴為天下先治

霸陵皆以瓦器不得以金銀銅錫為飾不治墳欲為省

毋煩民南越王尉佗自立為武帝然上召貴尉佗兄弟

以德報之佗遂去帝稱臣與匈奴和親匈奴背約入盜

然令邊備守不發兵深入惡煩苦百姓吳王詐病不朝

就賜几杖羣臣如袁盎等稱說雖切常假借用之

集解
蘇林

曰假音代假借
者以物借人

羣臣如張武等受賂遺金錢覺上乃發

御府金錢賜之以愧其心弗下吏專務以德化民是以

海內殷富興於禮義後七年六月己亥帝崩於未央宮

集解徐廣曰
年四十七

遺詔曰朕聞蓋天下萬物之萌生靡不有

死死者天地之理物之自然者奚可甚哀當今之時世

咸嘉生而惡死厚葬以破業重服以傷生吾甚不取且

朕既不德無以佐百姓今崩又使重服久臨以離寒暑

之數哀人之父子傷長幼之志損其飲食絕鬼神之祭

祀以重吾不德也謂天下何朕獲保宗廟以眇眇之身

託于天下君王之上二十有餘年矣賴天地之靈社稷

之福方內安寧

集解瓚曰方四方也內中也猶云中外也

靡有兵革

集解徐廣曰一

云方內安兵革息

朕既不敏常畏過行以羞先帝之遺德維年

之久長懼于不終今乃幸以天年得復供養于高廟朕

之不明與嘉之

集解如淳曰與發聲也得卒天年已善矣

其奚哀悲之有其

令天下吏民令到出臨三日皆釋服毋禁取婦嫁女祠

祀飲酒食肉者自當給喪事服臨者皆無踐集解服虔曰踐翦也

謂無斬衰也孟康曰踐跳也晉灼曰漢語作跳跳徒跳也索隱漢語是書名荀爽所作經帶無過

三寸毋布車及兵器

集解應劭曰無以布衣車及兵器也不施輕車介士也

毋發

人男女哭臨宮殿宮殿中當臨者皆以旦夕各十五舉

聲禮畢罷非旦夕臨時禁毋得擅哭已下服大紅十五

日小紅十四日纖七日釋服

集解服虔曰當言大功小功布也纖細布衣也應劭

曰紅者中祥大祥以紅為領緣也纖者禪也凡三十六日而釋服索隱已下謂樞已下於壙劉德云紅功也男功非一故以工力為字而女工唯在於絲佗不在令中

者皆以此令比率從事布告天下使明知朕意霸陵山

川因其故

集解應劭曰因山為藏不復起墳山下川流不遏絕也就其水名以為陵號索隱霸是水

名水徑於山亦曰霸山即芷陽地也

母有所改歸夫人以下至少使

集解

曰夫人以下有美人良人八子七子長使少使凡七輩皆遣歸家重絕人類也

令中尉亞夫為

車騎將軍屬國悍為將屯將軍

集解徐廣曰悍姓徐駟按漢書百官表典屬國

秦官掌蠻夷降者李奇曰馮奉世為右將軍以將屯將軍為名此監主諸屯也

郎中令武為復

土將軍

集解如淳曰主穿墻填瘞事者索隱復音伏謂穿墻出土下棺已而填之即以為墳故云復土

復反還也又音福

發近縣見卒萬六千人發內史卒萬五千人

索隱百官表云內史掌理京師之官景帝更名京兆尹

藏郭穿復土屬將軍武乙

已

集解駟案漢書云乙已葬皇甫謚曰霸陵去長安七十里

羣臣皆頓首上尊號曰

孝文皇帝太子即位于高廟丁未襲號曰皇帝孝景皇

帝元年十月制詔御史蓋聞古者祖有功而宗有德

集解

應劭曰始取天下者為祖高帝稱高祖是也始治天下者為宗文帝稱太宗是也

制禮樂各有

由聞歌者所以發德也舞者所以明功也高廟酎

集解張晏

曰正月旦作酒八月成名曰酎酎之言純也至武帝時因八月嘗酎會諸侯廟中出金助祭所謂酎金也奏

武德文始五行之舞

集解孟康曰武德高祖所作也文始舜舞也五行周舞也武德者其

舞人執干戚文始舞執羽籥五行舞冠冕服法五行色
見禮樂志索隱應劭云禮樂志文始舞本舜韶舞高祖
更名文始示不相襲五行舞本周武舞秦始皇更名五
行舞按今言秦武德文始五行之舞者其樂總象武王
樂言高祖以武定天下既示不相襲其作樂之始先奏
文始以羽籥衣文繡居先次即奏五行五行即武舞執
干戚而衣有五行之色也孝惠廟酎奏文始五行之舞孝文皇帝臨

天下通關梁不異遠方

集解張晏曰孝文十二年除關不用傳令遠近若一

除誹

謗去肉刑賞賜長老收恤孤獨以育羣生減嗜欲不受

獻

集解徐廣曰減一作減

不私其利也罪人不弔

集解蘇林曰刑不及妻子

不

誅無罪除肉刑出美人重絕人之世朕既不敏不能識

此皆上古之所不及而孝文皇帝親行之德厚侔天地

集解李奇曰侔齊等利澤施四海靡不獲福焉明象乎日月而廟

樂不稱朕甚懼焉其為孝文皇帝廟為昭德之舞

集解文穎

曰景帝米高祖武德舞作昭德舞舞之於文帝廟見禮樂志

以明休德然後祖宗之

功德著於竹帛施於萬世永永無窮朕甚嘉之其與丞

相列侯中二千石禮官具為禮儀奏丞相臣嘉等言陛

下永思孝道立昭德之舞以明孝文皇帝之盛德皆臣

嘉等愚所不及臣謹議曰功莫大於高皇帝德莫盛於

孝文皇帝高皇廟宜為帝者太祖之廟孝文皇帝廟宜
為帝者太宗之廟天子宜世世獻祖宗之廟郡國諸侯
宜各為孝文皇帝立太宗之廟諸侯王列侯使者侍祠
天子歲獻祖宗之廟

集解張晏曰王及列侯歲時遣使詣京師侍祠助祭也如淳曰若光

武廟在章陵南陽太守稱使者往祭是也不使侯王祭者諸侯不得祖天子也凡臨祭祀宗廟皆為侍祭請

著之竹帛宣布天下制曰可

太史公曰孔子言必世然後仁

集解孔安國曰三十年曰世如有受命王者必

三十年仁

善人之治國百年亦可以勝殘去殺

集解王肅曰勝

政乃成

殘暴之人使不為
惡去殺不用殺也
誠哉是言漢興至孝文四十有餘載

德至盛也廩廩鄉改正服封禪矣謙讓未成於今嗚呼

豈不仁哉

索隱述贊曰孝文在代兆遇大橫宋昌建策絳侯奉
迎南面而讓天下歸誠務農先籍布德偃兵除帑削
謗政簡刑清綈衣率俗露臺不營法寬
張武獄恤緹紫霸陵如故千年頌聲

史記卷十

史記卷十考證

孝文本紀至高陵休止正義三輔舊事云秦於渭南有
興樂宮渭北有咸陽宮秦昭王欲通二宮之間造橫
長橋三百八十步橋北京石水中有忖留神像○京
石二字不可解水經注云橋之南北有隄激立石柱
柱南京兆主之柱北馮翊主之有令丞各領徒一千
五百人橋之北首壘石水中故謂之石柱橋也則京
石或係壘石之訛

羣臣以禮次侍○侍監訛作待今改正

天下人民未有慊志○顧炎武曰此與樂毅傳先王以
為慊於志同皆厭足之意荀子惻然不慊又曰由俗
謂之道盡慊也又曰嚮萬物之美而不能慊也又曰
不自慊其行者言濫過戰國策齊桓公夜半不慊又
膳啗之慊於口並是慊字而誤從口大學此之謂自
謙亦慊字而誤從言呂氏春秋苟可以慊劑貌辨者
吾無辭為也亦慊字而誤從人

諸侯皆同姓立太子母為皇后索隱謂帝之子為諸侯王皆同姓生也言皆同母生故立太子母也○顧炎武曰文帝前后死竇氏妾也諸侯皆同姓謂無甥舅之國可娶索隱解非

乃循從代來功臣○余有丁曰循謂次及之也漢書作修字

封齊王舅父駙鈞為清郭侯索隱按表駙鈞封鄔侯不同者蓋後徙封於鄔○臣世駿按年表作清都徐廣

曰一作鄒索隱曰漢表作鄒此注誤脫漢字但年表
駟鈞以文帝元年封前六年有罪國除享國甚短並
無徙封之說年表例凡始封某後別封者俱次第詳
載并注明轉徙絕續之由鈞果徙封絕與表何以止
錄其前封而表則直書其以清都失國耶恐鄒都鄒
鄒俱以偏旁形似而差如曹疇曹壽曹時之類其作
鄒與鄒者又并清字脫去耳

白以告朕○徐字遠曰白宜作丐疑字訛也

復晉陽中都民三歲正義晉陽故城在汾州平遙縣西南○顧炎武曰此當言中都故城在汾州平遙縣西南言晉陽誤也然此注已見卷首中都下

畫衣冠異章服以為修正義晉書刑法志云三皇設言而民不違五帝畫衣冠而民知禁○晉書刑法志云五帝畫像而民知禁

祝茲侯軍棘門集解徐廣曰表作松茲侯姓徐名悍○

臣祖康

按年表松茲侯徐厲始封厲傳子悼文帝七

年侯悼元年也棘門之屯文帝後六年事自當是悼
為將軍其時厲死久矣然周勃世家又明云祝茲侯
徐厲軍棘門豈悼嗣侯於文帝後七年年表脫一後
字耶二者必有一誤悼之與悍亦未知孰是

史記卷十考證

謹案卷九第七頁前五行故軹城在懷州濟源縣
東南刊本濟源訛終原據秦本紀正義改

卷十第四頁前八行羹頡侯信毋丘嫂也刊本信
訛終今改

第十一頁前四行憫音下板反刊本板訛故據漢
書顏師古注改

第十四頁後八行本邛都國刊本脫邛字今增





總校官庶吉士臣侍朝

校對官檢討臣王鍾健

謄錄監生臣葉椿

欽定四庫全書薈要

史部

史記卷十一至
三

詳校官主事銜臣徐以坤



史記卷十一

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

孝景本紀第十一

孝景皇帝者

集解駰案漢書音義曰諱啓正義謚法曰繇義而濟曰景

孝文之中子



也母竇太后孝文在代時前后有三男及竇太后得幸
前后死及三子更死故孝景得立

元年四月乙卯赦天下乙巳賜民爵一級五月除田半
租為孝文立太宗廟令羣臣無朝賀匈奴入代與約和
親

二年春封故相國蕭何孫係為武陵侯

集解徐廣曰漢書亦作係鄒誕

生本作係音奚又按漢書功臣表及蕭何傳皆云孫嘉疑其人有二名

男子二十而得傳

索隱音附荀悅云傳正卒也小顏云舊法二十三而傳今改也

四月壬午孝文太后崩

索隱薄后也葬芷陽西曰少陵也

廣川長沙王皆之國

索隱廣川王彭祖長沙王發皆

景帝子

丞相申屠嘉卒八月以御史大夫開封侯陶青

為丞相彗星出東北秋衡山雨雹

正義雨于付反

大者五寸深

者二尺熒惑逆行守北辰月出北辰間歲星逆行天廷

中置南陵及內史祿祠為縣

集解徐廣曰地理志云文帝七年置駟按地理志百

官表南陵縣文帝置也分內史為左右及祿祠為縣皆景帝二年不得皆如徐所云索隱鄒誕生祿音都會反

又音丁活反祠音羽又音詡

三年正月乙巳赦天下長星出西方天火燔雒陽東宮

大殿城室

集解徐廣曰雒一作淮索隱漢書作淮陽王宮災故徙王於魯也

吳王濞

正義

音披備反高祖兄仲子故漢高祖十二年封

楚王戊

正義

三十三年反年表云都吳其實在江都也

高祖弟楚王交孫嗣

趙王遂

正義高祖孫幽王友子膠

二十一年反都彭城

西王卬

正義卬五郎反高祖孫齊悼惠王子故平昌侯十年反都密州高密縣

濟南王辟光

正義辟音壁高祖孫齊悼惠王子故初侯立十一年反括地志云濟南故城在淄川長山縣西北三十里菑

川王賢

正義高祖孫齊悼惠王子故武成侯立十一年反都劇括地志云菑川縣也故劇城在青州壽

光縣南三十里故紀國膠東王雄渠

正義高祖孫齊悼惠王子故白石侯立十一年反都即墨

括地志云即墨故城在密州膠水縣東南六十里即膠東國也

反發兵西鄉天子為誅

晁錯遣袁盎諭告不止遂西圍梁上乃遣大將軍竇嬰

太尉周亞夫將兵誅之六月乙亥赦亡軍及楚元王子

藝等

正義藝魚曳反字亦作藝音同

與謀反者封大將軍竇嬰為魏其

侯

正義地理志云魏其屬琅邪

立楚元王子平陸侯劉禮為楚王

索隱

韋昭云平陸西河縣禮即向之從曾祖王父也

立皇子端為膠西王子勝為中

山王徙濟北王志

正義濟子禮反濟北國今濟州盧縣即濟北王所都

為菑川王

淮陽王餘

正義淮陽國今陳州

為魯王

正義今兗州曲阜縣

汝南王非

正義汝南

國今豫州為江都王

正義江都國今揚州也吳王濞所都反誅景帝改為江都國封皇子非也齊

王將廬

正義齊國青州臨淄也將廬齊悼惠王之孫襄王之子年表云

燕王嘉皆薨

集解

徐廣曰表云五年薨索隱將廬悼惠王孫齊王襄之子廬漢書作閭嘉劉澤之子

四年夏立太子立皇子徹為膠東王六月甲戌赦天下

後九月更以弋陽為陽陵

正義括地志云漢景帝陵也在雍州咸陽縣東三十里按

杜作壽陵也

復置津關用傳出入

集解應劭曰文帝十二年除關無用傳至此復置傳

以七國新反備非常也張晏曰傳信也若今過所也如淳曰傳音檄傳之傳兩行書繒帛分持其一出入關合之乃得過謂之傳

索隱傳音丁戀反

冬以趙國為邯鄲郡

集解駢案地理志趙國景帝以

為邯鄲郡

五年三月作陽陵渭橋

索隱景帝預作壽陵也按趙系家趙肅侯十五年起壽陵後代

因之五月募徙陽陵予錢二十萬江都大暴風從西方

來壞城十二丈丁卯封長公主子嬌為隆慮侯

索隱音林閭避

殤帝諱改之

徙廣川王為趙王

六年春封中尉趙綰為建陵侯

正義括地志云建陵江故縣在沂州承縣界

都丞相嘉為建平侯

集解徐廣曰姓程

隴西太守渾邪為平曲

侯

正義括地志云平曲縣故城在瀛州文安縣北七十里

趙丞相嘉為江陵侯

集解

徐廣曰姓蘇

故將軍布為郇侯梁楚二王皆薨後九月伐馳

道樹殖蘭池

集解徐廣曰
殖一作填

七年冬廢栗太子為臨江王

正義臨江忠州縣雖
王臨江而都江陵

十二

月晦日有食之春免徒隸作陽陵者丞相青免二月乙

巳以太尉條侯

正義條田彫反
字亦作條音同

周亞夫為丞相四月乙

巳立膠東王太后為皇后

索隱按系家太后槐里人父
仲兄信封蓋侯后故金氏妻

女弟姁
兒也

丁巳立膠東王為太子名徹

中元年封故御史大夫周苛孫平為繩侯

集解徐廣曰
平一作應索

隱苛周
昌之兄

故御史大夫周昌子左車為安陽侯四月乙巳

赦天下賜爵一級除禁錮地動衡山原都雨雹大者尺八寸

中二年二月匈奴入燕遂不和親三月召臨江王來即

死中尉府中夏立皇子越為廣川王子寄為膠東王封

四侯

集解文穎曰楚相張尚太傅趙夷吾趙相建德內史王惲此四人各諫其王無使反不聽皆殺之故

封其子索隱韋昭云張尚子當居九月甲戌日食

趙夷吾子周建德子橫王惲子棄

中三年冬罷諸侯御史中丞春匈奴王二人率其徒來

降皆封為列侯

正義漢書表云中三年安陵侯子軍桓侯賜適侯陸疆容城侯徐盧易侯僕黜

范陽侯代翁侯邯鄲七人以匈奴王降皆封
為列侯按紀言二人者是匈奴二王為首降立皇子方

乘為清河王三月彗星出西北丞相周亞夫死以御史

大夫桃侯劉舍為丞相四月地動九月戊戌晦日食軍

東都門外

集解按三輔黃圖東出北第一門曰宣平門外曰東都門

中四年三月置德陽宮

集解瓚曰是景帝廟也帝自作之諱不言廟故言宮西京故事

云景帝廟為德陽宮

大蝗秋赦徒作陽陵者

中五年夏立皇子舜為常山王封十侯

正義惠景間年表云亞谷侯盧

他之隆慮侯陳矯乘氏侯劉買桓邑侯劉明蓋侯王信按其五人是中元五年封餘檢不獲中元三年匈奴

王二人降封為列侯惠景間表云匈奴王六月丁巳赦降為侯者有七人疑其五人是十侯之數

天下賜爵一級天下大遼更命諸侯丞相曰相秋地動

中六年二月己卯行幸雍郊見五帝三月雨雹四月梁

孝王城陽共王

正義城陽今濮州雷澤縣古城陽也共音恭謚法嚴敬故事曰恭

汝南

王皆薨立梁孝王子明為濟川王

正義表云分梁置也

子彭離為

濟東王

正義表云分梁置也

子定為山陽王

正義地理志云景帝中六年別

屬兗州

子不識為濟陰王

正義地理志云景帝中六年別為濟陰國屬兗州案今曹州是

也梁分為五封四侯更命廷尉為大理將作少府為將

作大匠主爵中尉為都尉

集解駢案漢書百官表曰主爵中尉秦官掌列侯

長

信詹事為長信少府

集解駢案漢書百官表曰詹事秦官掌皇后太子家應劭曰詹省也

給也瓚曰茂陵書詹事秩二千石也張晏曰以太后所居宮為名長信宮則曰長信少府長樂宮則曰長樂少

府

將行為大長秋

集解駢案漢書百官表曰將行秦官應劭曰長秋皇后卿

大行為

行人

集解服虔曰天子死未有謚稱大行晉灼曰禮有大行小行主謚官故以此名之如淳曰不反之辭

也瓚曰大行是官名掌九儀之制以賓諸侯索隱鄭玄云命者五謂公侯伯子男爵者四孤卿大夫士是九也

奉常為太常

集解駢案漢書百官表曰奉常秦官掌宗廟禮儀

典客為大行

索

韋昭云大行官名秦時云典客景帝初改云大行後更名大鴻臚武帝因而不改故漢書景紀有大鴻臚百官

表又云武帝改名大鴻臚臚附也以言其掌四夷賓客
若皮臚之在外附於身也復有大行令故諸侯薨大鴻
臚奏謚列侯薨則大行奏諡治粟內史為大農

集解駉案漢書

百官表曰治粟內史以內為二千石

集解韋昭曰大內京師府藏

置

左右內官屬大內

索隱主天子之私財曰小內小內即屬大內也

七月辛亥日

食八月匈奴入上郡

後元年冬更命中大夫令為衛尉

正義漢書百官表云衛尉秦官掌宮闈門衛屯

兵景帝初更名中大夫令後元年復為衛尉

三月丁酉赦天下賜爵一級中二

千石諸侯相爵右庶長四月大酺五月丙戌地動

集解徐廣

曰丙一其蚤食時復動上庸地動二十二日壞城垣七

作甲月乙巳日食丞相劉舍免八月壬辰以御史大夫綰為

丞相封為建陵侯

索隱
姓衛

後二年正月地一日三動邳將軍擊匈奴

正義邳真栗
反邳都傳云

匈奴刻木為邳
都而射不中

酺五日令內史郡不得食馬粟沒入縣

官令徒隸衣七綬布

正義衣於既反綬祖工反綬八十
縷也與布相似七升布用五百六

十止馬春

索隱止人為馬春
粟為歲不登也

為歲不登禁天下食不造

歲省列侯遣之國

集解晉灼曰文紀遣
列侯之國今又省之

三月匈奴入鴈

門十月租長陵田大旱衡山國河東雲中郡

正義衡山國今衡州

河東今蒲州雲中郡今勝州

民疫

後三年十月日月皆食赤五日十二月晦雷

集解徐廣曰一作雷

字又作圖字實所未詳

日如紫五星逆行守太微月貫天庭中

索隱

天庭即龍星右角也按石氏星傳曰龍星左角曰天田右角曰天庭

正月甲寅皇太子冠

甲子孝景皇帝崩

集解皇甫謐曰帝以孝惠七年生年四十八

遺詔賜諸侯

王以下至民為父後爵一級天下戶百錢出宮人歸其

家復無所與太子即位是為孝武皇帝

集解駰案漢書云二月癸酉帝

葬陽陵皇甫謐曰陽陵山方百二十步高十四丈去長安四十五里三月封皇太后弟蚡

為武安侯弟勝為周陽侯置陽陵

集解蘇林曰蚡音鼂索隱蚡音扶粉反按

外戚世家皇太后母臧兒初嬪王氏生子信而寡更嫁長陵田氏生蚡及勝

太史公曰漢興孝文施大德天下懷安至孝景不復憂異姓而晁錯刻削諸侯遂使七國俱起合從而西鄉以諸侯大盛而錯為之不以漸也及主父偃言之而諸侯以弱卒以安

索隱主父偃上言令天子下推恩之令令諸侯各得分邑其子弟於是遂弱卒以安

也安危之機豈不以謀哉

索隱述贊曰景帝即位因修靜默勉人於農率下以德制度斯創禮法可則一朝吳楚乍起凶慝提局成
豐拒輪致惑晁錯雖誅梁臣未克條侯出將追奔逐
北坐見梟剝立翦年賊如何太尉後卒下獄惜哉明
君斯功
不錄

史記卷十一

史記卷十一考證

孝景本紀二年春封故相國蕭何孫係為武陵侯集解
徐廣曰漢書亦作係鄒誕生本作傒音奚又按漢書
功臣表及蕭何傳皆云孫嘉疑其人有二名○表亦
作嘉與此互異表又作武陽并封邑亦不同

以御史大夫綰為丞相封為建陵侯○余有丁曰綰即
前六年用中尉封者此複出

令徒隸衣七綬布正義七升布用五百六十縫○縫係

縷字之誤

史記卷十一考證

史記卷十二

漢 太 史 令司馬遷 撰

宋中郎外兵曹參軍裴駢集解

唐國子博士弘文館學士司馬貞索隱

唐諸王侍讀率府長史張守節正義

孝武本紀第十二

集解駢案太史公自序曰作今上本紀其述
事皆云今上今天子或言孝武帝者悉後人

所定也張晏曰武紀褚先生補作也先生名少孫漢博士索隱褚先生補史記合集武帝事以編年今止取封禪書補之信其才之薄也張晏云褚先生潁川人仕元成間韋稜云褚顗家傳褚少孫梁相褚大弟之孫宣帝時為博士寓居沛事大儒王式故號先生續太史公書阮孝緒亦以為然

孝武皇帝者

集解駢案漢書音義曰諱徹正義謚法云克定禍亂曰武

孝景中子

也

索隱按景十三王傳廣川王以上皆是武帝兄母自河間王德以至廣川凡有八人則帝第九也

曰王太后孝景四年以皇子為膠東王孝景七年栗

太子廢為臨江王以膠東王為太子孝景十六年崩

太子即位為孝武皇帝

集解張晏曰武帝以景帝元年生七歲為太子為太子十

歲而景帝崩時年十六矣

孝武皇帝初即位尤敬鬼神之祀元年

漢興已六十餘歲矣

集解徐廣曰六十七年歲在辛丑

天下又安薦

紳之屬

索隱薦音搢搢挺也言挺笏於紳帶之間事出禮內則今作薦者古字假借爾漢書作縉

紳

皆望天子封禪改正度也而上鄉儒術招賢良趙

綰王臧等以文學為公卿欲議古立明堂城南以朝

諸侯

索隱城南長安城南門外也關中記云明堂在長安城門外杜門之西

草巡狩封

禪改歷服色事未就會竇太后治黃老言不好儒術

使人微伺得趙綰等姦利事

集解徐廣曰
織微伺察之

召案綰臧

綰臧自殺

正義漢書孝武二年御史大夫趙綰坐請
無奏事太皇太后及郎中令王臧皆下獄

自殺應劭曰王臧儒者欲立明堂辟雍太后素好黃
老術非薄六經因欲絕奏事太后太后怒故令自殺

諸所興為者皆廢後六年竇太后崩其明年上徵文

學之士公孫宏等明年上初至雍郊見五時

正義時
音止括

地志云漢五帝時在岐州雍縣南孟康云時者神靈
之所止按五時者廊時密時吳陽時北時先是秦文
公作廊時祭白帝秦宣公作密時祭青帝秦靈公作
吳陽上時祭黃帝下時祭赤帝漢高祖作北時祭黑
帝是五
時也

後常三歲一郊是時上求神君舍之上林中

蹠氏觀

集解徐廣曰蹠音啼索隱鄒誕生音斯觀名也

神君者長陵女子以

子死悲哀故見神於先後宛若

集解孟康曰產乳而死兄弟妻相謂先後

宛若字索隱鄒誕生音先後並去聲即

宛若祠之其

室民多往祠平原君往祠

集解徐廣曰武帝外祖母也駟案蔡邕曰異姓婦人

以恩澤封者曰君儀比長公主索隱徐云武帝外祖母則是臧兒也

其後子孫以尊顯

及武帝即位則厚禮置祠之內中聞其言不見其人

云是時而李少君亦以祠竈穀道卻老方見上

集解李奇

曰食穀道引或曰辟穀不食之道索隱如淳云祠竈可以致福按禮竈者老婦之祭盛於盆尊於瓶說文

周禮以竈祠祝融淮南子炎帝作火官死為今之竈神司馬彪注莊子云浩竈神也如美女衣赤李宏範

誥音上尊之少君者故深澤侯集解徐廣曰進納於天子而主方一云侯入以主

方集解徐廣曰進納於天子而主方一云侯匿其年

及所生長常自謂七十能使物卻老集解如淳曰物

藥物也其游以方徧諸侯無妻子人聞其能使物及不

死更饋遺之常餘金錢帛衣食人皆以為不治產業

而饒給又不知其何所人愈信爭事之少君資好方

善為巧發奇中集解如淳曰時時嘗從武安侯飲索隱

發言有所中也

服虔云田蚡也韋昭云武安屬魏郡

坐中有年九十餘老人少君乃言

與其大父游射處老人為兒時從其大父行識其處

一坐盡驚少君見上上有故銅器問少君少君曰此

器齊桓公十年陳於栢寢

集解服虔曰地名有臺也瓚曰晏子書栢寢臺名也

正義括地志云栢寢臺在青州千乘縣東北二十里韓子云景公與晏子遊於少海登栢寢之臺而望其國公曰美哉堂乎後代孰將有此晏子曰其田氏乎公曰寡人有國而田氏家奈何對曰奪之則近賢遠不肖治其煩亂輕其刑罰助窮乏恤孤寡行恩惠崇節儉雖十田氏其如堂何即此也已而案

其刻果齊桓公器一宮盡駭以少君為神數百歲人

也少君言於上曰祠竈則致物致物而丹砂可化為

黃金黃金成以為飲食器則益壽益壽而海中蓬萊

僊者可見見之以封禪則不死黃帝是也臣嘗游海

上見安期生

索隱服虔云古之真人

食巨棗大如瓜安期生僊

者通蓬萊中合則見人不合則隱於是天子始親祠

竈而遣方士入海求蓬萊安期生之屬而事化丹砂

諸藥齊為黃金矣

索隱齊音分劑之劑

居久之李少君病死天

子以為化去不死也而使黃鍾

集解韋昭曰人姓名正義音直偽反史

寬舒受其方

集解駢案漢書音義曰二人皆方士

求蓬萊安期生莫能

得而海上燕齊怪迂之方士多相效更言神事矣毫

人薄誘忌

集解徐廣曰一云毫人謬忌也索隱毫山陽縣名姓謬名忌居毫故下稱薄忌此文

則衍薄字而謬又誤作誘也

奏祠泰一方曰天神貴者泰一

索隱按樂

汁微圖云紫微宮北極天一泰一宋均以為天一泰一北極之別名春秋緯云紫極之別名又名紫宮天

皇曜魄寶之所理也

泰一佐曰五帝

正義五帝五天帝也春秋緯云蒼帝靈威仰赤帝赤

燥怒白帝白招拒黑帝叶光紀黃帝含樞紐尚書帝命驗云蒼帝名靈威仰赤帝名文祖黃帝名神斗白帝名顯紀黑帝名玄矩佐者謂配祭也

古者天子以春秋祭泰一東南

郊用太牢具七日

集解徐廣曰一云日一太牢具七日

為壇開八通之

鬼道於是天子令太祝立其祠長安東南郊常奉祀

如忌方其後人有上書言古者天子三年一用太牢

具祠神三天一地一泰一天子許之令太祝領祠

之於忌泰一壇上如其方後人復有上書言古者天

子常以春秋解祠祠黃帝用一梟破鏡

集解孟康曰梟鳥名食母

破鏡獸名食父黃帝欲絕其類使百物祠皆用之破

鏡如龜而虎眼或云直用破鏡如淳曰漢使東郡送

梟五月五日為梟羹以冥羊

集解服虔曰神名也

用羊祠馬行

正義用一青牡馬泰一臯山山君地長正義丁丈反
神名

用牛武夷君正義神名用乾魚陰陽使者以一牛集解駟案漢書

音義曰陰陽之神也令祠官領之如其方而祠於忌泰一壇旁

其後天子苑有白鹿以其皮為幣索隱按食貨志幣以白鹿皮方尺緣

以續以薦璧得以黃金一斤代之又以發瑞應造白漢律皮幣率鹿皮方尺直金一斤

金焉正義白金三品武帝所鑄也如淳曰雜鑄銀錫為白金也平準書云造銀錫為白金以為天用

莫如龍地用莫如馬人用莫如龜故曰白金三品其一曰重八兩圓之其文龍名曰白選直三千二曰重差小方之其文馬直五百三曰復小楮之其文龜直三百錢譜云白金第一其形圓如錢肉好圓文為一

龍白銀第二其形方小長肉好亦小長好上下文為
二馬白銀第三其形似龜肉好小是文為龜甲也

其明年郊雍獲一角獸若麋然

集解韋昭曰楚人謂麋為麋索隱麋音步

交反按韋昭云體若麋而一角春秋所謂有麋而角是也楚人謂麋為麋又周書王會云麋者若鹿爾雅云麋大鹿也牛尾一角郭璞云漢武獲一角獸若麋謂之麋是也有司曰陛下肅祇

郊祀上帝報享錫一角獸蓋麟云

正義漢書終軍傳云從上雍獲白麟

一角戴肉設武備而不為害所以為仁獸於是以薦五時時加一牛以燎

正義力召反焚也

賜諸侯白金以風符應合于天地

集解晉灼曰符

瑞也瓚曰風示諸侯以此符瑞之應於是濟北王以為天子且封禪乃

上書獻泰山及其旁邑天子受之更以他縣償之常

山王有臯遷天子封其弟於真定以續先王祀而以

常山為郡然後五嶽皆在天子之郡其明年齊人少

翁正義漢武故事云少翁年二百歲色如童子以鬼神方見上上有所幸

王夫人集解徐廣曰齊懷王閔之母也駟按桓譚新論云武帝有所愛幸姬王夫人窈窕好容質

性嬛佞正義漢書作李夫人夫人卒少翁以方術蓋夜致王夫人

及竈鬼之貌云天子自帷中望見焉於是乃拜少翁

為文成將軍賞賜甚多以客禮禮之文成言曰上即

欲與神通宮室被服不象神神物不至乃作畫雲氣

車及各以勝日

集解駟案漢書音義曰如火勝金用丙與丁日不用庚辛

駕車辟

惡鬼又作甘泉宮中為臺室畫天地泰一諸神而置

祭具以致天神居歲餘其方益衰神不至乃為帛書

以飯牛

正義飯房晚反書絹帛上為怪言語以飼牛

詳弗知也言此牛腹

中有奇殺而視之得書書言甚怪天子疑之有識其

手書問之人果偽書於是誅文成將軍

正義漢書故事云文成誅

月餘日使者籍貨關東還逢之於漕亭還見言之上乃疑發其棺無所見唯有竹筒一枚捕驗間無蹤跡

也而隱之其後則又作栢梁銅柱承露僊人掌之屬

矣

集解蘇林曰僊人以手掌檠盤承甘露也索隱服虔云用梁百頭按今字皆作栢三輔故事云臺高

二十丈用香栢為殿梁香聞十里中建章宮承露盤高三十丈大七圍以銅為之有僊人掌承露和玉屑飲之故張衡賦曰立脩莖之僊掌承雲表之清露是也文成死明年天子病鼎

湖甚

集解晉灼曰在湖縣韋昭曰地名近宜春索隱湖縣名屬京兆後屬弘農昔黃帝採首陽山銅

鑄鼎於湖曰鼎湖即今之湖城巫醫無所不致至不

縣也

韋昭以為近宜春亦甚疎

愈游水發根

集解服虔曰游水縣名發根人姓名晉灼曰地理志游水水名在臨淮淮浦也

索隱顏師古以游水姓發根名乃言曰上郡有巫病

蓋或因水為姓

或曰發樹根也

乃言曰上郡有巫病

而鬼下之上召置祠之甘泉及病使人問神君

集解韋昭

曰即病神君言曰天子毋憂病病少愈強與我會甘

泉於是病愈遂幸甘泉病良已

集解孟康曰良已蓋已愈也

大赦

天下置壽宮神君

集解服虔曰立此便宮也瓚曰宮奉神之宮也楚辭曰蹇將澹兮壽

宮神君最貴者大夫其佐曰大禁司命之屬皆從之

非可得見聞其音與人言等時去時來來則風肅然

也居室帷中時晝言然常以夜天子祓然後入

集解駉案

漢書音義曰崇潔自祓除然後入

因巫為主人闕飲食所欲者言行

下集解李奇曰神所欲言上輒為下之又置壽宮北宮正義括地志云壽宮北宮皆在

雍州長安縣西北三十里長安故城中漢書云武帝壽宮以處神君張羽旗設供具以

禮神君神君所言上使人受書其言命之曰書法集解

駟案漢書音義曰或云策書之法也正義書音畫按畫一之法其所語世俗之所知

也毋絕殊者而天子獨喜其事祕世莫知也其後三

年有司言元宜以天瑞命不宜以一二數集解蘇林曰得黃龍

鳳皇諸瑞以名年正義孝景以前即位以一二數一年至其終武帝即位初有年號改元以建元為始一

元曰建元二元以長星曰元光三元以郊得一角獸

曰元狩云

集解徐廣曰按諸紀元光後有元朔元朔後得元狩

其明年冬天子

郊雍議曰今上帝朕親郊而后土毋祀則禮不答也

有司與太史公

集解韋昭曰說者以談為太史公失之矣史記稱遷為太史公者是外孫

楊惲所稱索隱姚察按司馬遷傳亦以談為太史公非惲所加又按虞喜志林云古者主天官皆上公自周至漢其職轉卑然朝會坐位猶居公上尊天之道其官屬仍以舊名尊而稱公公名當起於此故如淳云太史公位在丞相上天下郡國計書先上太史公副上丞相其義是也而桓譚新論以為太史公造書書成示東方朔朔為平定因署其下太史公祠官寬者皆東方朔所加之也楊惲繼此而稱爾

舒等議天地牲角繭栗今陛下親祀后土后土宜於

澤中國丘為五壇壇一黃犢太牢具已祠盡瘞而從

祠衣上黃於是天子遂東始立后土祠汾陰脽上

集解

徐廣曰元鼎四年時也駟按蘇林曰脽音誰如淳曰河之東岸特堆堀長四五里廣二里餘高十餘丈汾陰縣在脽之上后土祠在縣西汾在脽之北西流與河合也索隱漢書舊儀作葵上者蓋河東人呼誰與葵同故爾如寬舒等議上親望拜如上帝禮禮畢天子遂

至滎陽而還過洛陽下詔曰三代邈絕遠矣難存其

以三十里地封周後為周子南君以奉先王祀焉是

歲天子始巡郡縣侵尋於泰山矣

索隱侵尋即浸淫也故晉灼云遂往

之意也小顏云侵淫漸染之義蓋尋淫聲相近假借
用爾師古叔父游秦亦解漢書故稱師古為小顏也

其春樂成侯

集解徐廣曰姓丁名義後與樂大俱誅也索隱韋昭云河間縣按郊祀志樂成

侯登而徐廣據表云

上書言樂大藥大膠東宮人

集

服虔曰

故嘗與文成將軍同師已而為膠東王尚方

而樂成侯姊為康王后

集解孟康曰

母子康王死他

姬子立為王而康后有淫行與王不相中得相危以

法康后聞文成已死而欲自媚於上乃遣樂大因樂

成侯求見言方天子既誅文成後悔恨其早死惜其

方不盡及見藥大大悅大為人長美言多方略而敢
為大言處之不疑大言曰臣嘗往來海中見安期美

門之屬

索隱韋昭云美門古仙人應劭曰名子高

顧以為臣賤不信臣又

以為康王諸侯爾不足予方臣數言康王康王又不
用臣臣之師曰黃金可成而河決可塞不死之藥可
得僊人可致也臣恐效文成則方士皆掩口惡敢言
方哉上曰文成食馬肝死爾子誠能修其方我何愛
乎大曰臣師非有求人人主求之陛下必欲致之則

貴其使者令為親屬以客禮待之勿卑使各佩其信
印乃可使通言於神人神人尚肯邪不邪致尊其使
然後可致也於是上使先驗小方鬪旗旗自相觸擊

正義音其又本或作恭說文云恭博恭也高誘注淮南子云取雞血與針磨擣之以和磁石用塗碁頭曝乾之置局上即相拒不止也是時上方憂河決而黃金不就正義鍊丹

砂鉛錫為黃金不就乃拜大為五利將軍居月餘得四金印佩

天士將軍地士將軍大通將軍天道將軍印制詔御

史昔禹疏九江決四瀆間者河溢臯陸隄繇不息正義

顏師古云臯水旁地也廣平曰陸言水大汎溢
自臯及陸而築作隄徭役甚多不暇休息也
朕臨

天下二十有八年天若遺朕士而大通焉

集解韋昭曰言藥大

能通天意故封樂通索
隱樂通在臨淮高平縣
乾稱蜚龍鴻漸于般

集解駉案漢書

音義曰般水涯堆也漸進也武帝云得藥大
如鴻進於般一舉千里得道若飛龍在天

意庶幾

與焉其以二千戶封地士將軍大為樂通侯

集解韋昭曰樂

通臨淮
高平也
賜列侯甲第

集解駉案漢書音義曰有甲乙第次故曰第

僮千人

乘輿斤車馬帷帳器物以充其家

集解駉案漢書音義曰或云斤不用

也韋昭曰嘗在服御索隱孟
康云斤不用之車馬是也

又以衛長公主妻之

集解

孟康曰衛太子妹如淳曰衛太子姊也蔡邕曰帝女曰公主公主儀比諸侯姊妹曰長公主儀比諸侯王駟案此帝女也而齎金萬斤更名其邑曰當利公主云長公主未詳

集解地理志云東萊有當利縣天子親如五利之第使者存問所給

連屬於道自大主將相以下皆置酒其家獻遺之

集解

徐廣曰太主武帝姑也駟按韋昭曰竇太后之女也於是天子又刻玉印曰天

道將軍使使衣羽衣夜立白茅上五利將軍亦衣羽衣立白茅上受印以示弗臣也而佩天道者且為天子道天神也於是五利常夜祠其家欲以下神神未

至而百鬼集矣然頗能使之其後治裝行東入海求其師云大見數月佩六印貴振天下而海上燕齊之

間莫不搯腕而自言有禁方能神僊矣

集解服虔曰滿手曰搯瓊

曰搯執持也

其夏六月中汾陰巫錦

集解應劭曰錦巫名

為民祠魏

雒后土營旁

集解應劭曰魏故魏國也雒若丘之類

見地如鉤狀掎視

得鼎

索隱說文掎把也音步溝反

鼎大異於衆鼎文鏤無款識

集解

韋昭曰款刻也索隱識猶表識

怪之言吏吏告河東太守勝勝以聞

天子使使驗問巫錦得鼎無姦詐乃以禮祠迎鼎至

甘泉從行上薦之

集解如淳曰以鼎從行上至中山至甘泉將薦之於天也

集解徐廣曰河渠書鑿涇水自中山西索隱此山在馮翊谷口縣西近九畎山土人呼為中山河渠書韓

使水工鄭國說秦鑿涇水自中山西即此山也

晏溫
集解如淳曰三輔謂日出清濟為晏晏而溫也

索隱許慎注淮南云晏無雲也

有黃雲蓋焉有庶過上自射之因以

祭云至長安

集解徐廣曰上言從行薦之或曰祭鼎也公卿大夫皆議請

尊寶鼎天子曰間者河溢歲數不登故巡祭后土所

為百姓育穀今年豐廩未有報鼎曷為出哉有司皆

曰聞昔太帝興神鼎一

索隱師古以太帝為太昊伏羲氏以文在黃帝之前故也

一者一統天地萬物所繫終也黃帝作寶鼎三象天

地人也禹收九牧之金鑄九鼎皆嘗鬴烹

集解徐廣曰烹煮也

鬴音觴皆嘗以烹牲牢而祭祀也索隱言鼎以烹牲而饗嘗也觴字又作觴音殤漢書郊祀志云鼎空足

曰鬲以象三德鬲音歷謂足中不實者名之也

上帝鬼神

集解服虔曰以祭祀上帝或曰嘗烹

也遭聖則興

正義遭逢也鼎雖淪泗水逢聖興起故出汾陰西至甘泉也

遷于夏

商周德衰宋之社亡

正義社主民也社以石為之宋社即亳社也周武王伐紂乃立

亳社以為監戒覆上棧下使通天地陰陽之鼎乃淪

氣周禮衰國將危民故宋之社為亡殷復也

伏而不見頌云自堂徂基

正義此以下至胡考之休是周頌絲衣之詩自堂從

內往外基門內塾也鄭玄云門側之堂謂之塾釋禮經使士升堂視壺濯及籩豆之屬降往於塾牲自羊徂牛充庖乃舉鼎

自羊徂牛

正義自堂往塾先視羊後及牛也毛萇云先小

告潔禮之次也

後大

鼎鼎及鼐

集解韋昭曰爾雅云鼎絕大謂之鼐園奄上謂之鼐

不虞不鵠

胡考之休

索隱毛詩傳云吳諱也姚氏按何承天云此虞當為吳音洪霸反說文以吳一口大

言也此作虞者與吳聲相近故假借也或者本文借此虞為驩娛字也

今鼎至甘泉光

潤龍變承休無疆合茲中山有黃白雲降

集解韋昭曰與中山

所見黃雲之氣合也

蓋若獸為符

集解服虔曰雲若獸在車蓋也晉灼曰蓋辭也或曰符謂

瑞應也

路弓乘矢

集解韋昭曰路大也四矢為乘

集獲壇下報祠大饗

集解徐廣曰一云大報饗祠也

惟受命而帝者心知其意

集解服虔曰高祖受

命知之也宜見鼎於其廟

而合德焉鼎宜見於祖禰藏於帝廷以

合明應制曰可入海求蓬萊者

正義蓬萊方丈瀛洲勃海中三神山也

言蓬萊不遠而不能至者殆不見其氣上乃遣望氣

佐候其氣云其秋上幸雍且郊

索隱以雍地形高故云

或曰五

帝泰一之佐也宜立泰一而上親郊之上疑未定齊

人公孫卿曰今年得寶鼎其冬辛巳朔旦冬至與黃

帝時等卿有札書曰黃帝得寶鼎宛侯問於鬼臾區

集解駢案漢書音義曰區黃帝時人索隱鄭玄云黃帝佐也李奇曰黃帝時諸侯本作申區者非藝文志作鬼容區也區對曰黃帝得寶鼎神筮是歲己酉朔旦冬

至得天之紀終而復始於是黃帝迎日推筮後率二

十歲

正義率音律又音類又所律反三音並通後皆放此也

得朔旦冬至凡二

十推三百八十年黃帝僊登于天卿因所忠欲奏之

所忠視其書不經疑其妄書謝曰寶鼎事已決矣尚

何以為卿因嬖人奏之上大悅召問卿對曰受此書

申功

集解駢案封禪書功字作公

申功已死上曰申功何人也卿

曰申功齊人也與安期生通受黃帝言無書獨有此

鼎書曰漢興復當黃帝之時漢之聖者在高祖之孫

且曾孫也寶鼎出而與神通封禪封禪七十二王正義

河圖云王者封太山禪梁父
易姓登崇有七十二君也唯黃帝得上泰山封申

功曰漢主亦當上封上封則能僊登天矣黃帝時萬

諸侯而神靈之封居七千集解應劭曰黃帝時諸侯
會封禪者七千人李奇曰

說仙道得封者七千國張晏
曰神靈之封謂山川之守天下名山八而三在蠻

夷五在中國中國華山首山太室泰山東萊此五山

黃帝之所常遊與神會黃帝且戰且學僊患百姓非其道乃斷斬非鬼神者百餘歲然後得與神通黃帝郊雍上帝宿三月鬼臾區號大鴻死葬雍故鴻冢是也

集解蘇林曰今雍有鴻冢

其後黃帝接萬靈明廷明廷者甘泉

也所謂寒門者谷口也

集解徐廣曰寒一作塞漢書音義曰黃帝仙於寒門也索

隱服虔云寒門黃帝所僊之處小顏云谷中山之谷口漢時為縣今呼為冶谷去甘泉八十里盛夏凜然

故曰黃帝采首山銅鑄鼎於荆山下

集解晉灼曰地理志首山屬河

東蒲坂荆山在馮翊懷德縣

鼎既成有龍垂胡顙下迎黃帝

索隱顏師

古云胡謂頷下垂肉也。顓其毛也。故童謠曰：何當為君鼓龍胡？是也。黃帝上騎羣臣後

宮從上龍七千餘人，龍乃上去。餘小臣不得上，乃悉

持龍顓、龍顓，拔墮黃帝之弓。百姓仰望黃帝既上天，

乃抱其弓與龍胡顓號。故後世因名其處曰鼎湖。正義

括地志云：湖水源出虢州湖城縣南三十五里，夸父山北流入河，即鼎湖也。其弓曰烏號。

於是天子曰：嗟乎！吾誠得如黃帝。吾視去妻子如脫

躡耳，乃拜卿為郎東使，候神於太室上，遂郊雍，至隴

西西登空桐。

正義：空桐山在原州平高縣西一百里。

幸甘泉，令祠官寬

舒等具泰一祠壇壇放薄忌泰一壇壇三垓

集解徐廣曰垓

次也駟按李奇曰垓重也三重壇也索隱鄒氏曰垓一作陔言壇階三重

五帝壇環居其

下各如其方黃帝西南除八通鬼道

集解服虔曰坤位在未黃帝從

土泰一所用如雍一時物而加醴棗脯之屬殺一聲

牛以為俎豆牢具而五帝獨有俎豆

集解韋昭曰無彘牛醴之屬

醴進

索隱師古云具俎豆酒醴而進之一曰進謂雜物之具所以加禮也

其下四方地

為餼食

索隱餼音竹芮反謂連續而祭之漢志作臘古字亦通說文曰餼祭醑也正義劉伯莊云

謂繞壇設諸神祭座相連綴也

羣神從者及北斗云已祠胙餘皆燎

之其牛色白鹿居其中彘在鹿中水而洎之

集解徐廣曰洎

音居器反肉汁也駟案晉灼曰此說合牲物燎之也正義劉伯莊云以太羹和祭食燎之按以鹿內牛中

以彘內鹿中水玄酒也

祭日以牛祭月以羊彘特

索隱特一牲也言若牛若

羊若彘止一特也

泰一祝宰則衣紫及繡五帝各如其色日

赤月白十一月辛巳朔旦冬至昧爽天子始郊拜泰

一朝朝日夕夕月

集解應劭曰天子春朝日秋夕月拜日東門之外朝日以朝夕月以

夕瓚曰漢儀郊泰一時皇帝平旦出竹宮東向揖日其夕西向揖月使用郊日不用春秋也

則揖

而見泰一如雍禮其贊饗曰天始以寶鼎神筮授皇

帝朔而又朔終而復始皇帝敬拜見焉而衣上黃其

祠列火滿壇旁壇旁烹炊具有司云祠上有光焉公

卿言皇帝始郊見泰一雲陽

正義括地志云漢雲陽宮在雍州雲陽縣北八

十一里有通天臺即黃帝以來祭天園丘之處武帝以五月避暑八月乃還

有司奉瑄玉

集解孟康曰璧大六寸謂之瑄索隱瑄音宣

嘉牲薦饗

正義漢書儀曰祭天養牛五歲至二

千是夜有美光及晝黃氣上屬天太史公祠官寬舒

等曰神靈之休祐福兆祥宜因此地光域

集解徐廣曰地一作

夜立泰畤壇以明應令太祝領祀及臘間祠三歲天

子一郊見其秋為伐南粵告祝泰一以牡

集解徐廣曰一作牝

荆畫旂

集解如淳曰荆之無子者皆以潔齊之道也晉灼曰牡荆節間不相當者韋昭曰以牡荆

為柄者也

日月北斗登龍以象天一三星為泰一鋒

集解徐廣

曰天官書曰天極星明者泰一常居也斗口三星曰天一駟按晉灼曰畫一星在後三星在前為太一鋒

也名曰靈旗

正義李奇云畫旗樹泰一壇上名靈旗畫日月北斗登龍等

為兵禱

則太史奉以指所伐國

正義韋昭云牡剛也荆強按用牡荆指伐國取其剛為稱

故畫此

而五利將軍使不敢入海之泰山祠上使人

微隨驗實無所見五利妄言見其師其方盡多不讐

上乃誅五利

正義漢武故事云東方朔言藥大無狀上發怒乃斬之

其冬公孫

卿候神河南見僊人跡緱氏城上有物若雉往來城

上天子親幸緱氏城視跡問卿得無效文成五利乎

卿曰僊者非有求人主人主求之其道非少寬假神

不來言神事事如迂誕

正義迂音于誕音但迂遠也誕大也

積以歲乃

可致於是郡國各除道繕治宮觀名山神祠所以望

幸矣其年既滅南越上有嬖臣李延年以好音見上

善之下公卿議曰民間祠尚有鼓舞之樂今郊祠而

無樂豈稱乎公卿曰古者祀天地皆有樂而神祇可

得而禮或曰泰帝使素女

索隱亦謂太昊正義泰帝謂太昊伏羲氏

鼓五

十弦瑟瑟帝禁不止故破其瑟為二十五弦於是塞

南越禱祠泰一后土始用樂舞益召歌兒作二十五

弦

集解徐廣曰瑟也

及箜篌瑟自此起

集解徐廣曰應劭云武帝令樂人侯調始

造箜篌

其來年冬上議曰古者先振兵澤旅

集解徐廣曰古釋字

作澤然後封禪乃遂北巡朔方勒兵十餘萬還祭黃帝

冢橋山澤兵須如

集解李奇曰地名也

上曰吾聞黃帝不死今

有冢何也或對曰黃帝已僊上天羣臣葬其衣冠既

至甘泉為且用事泰山

正義道書福地記云泰山高四千九百丈二尺周回二千

里先類祠泰一自得寶鼎上與公卿諸生議封禪

正義

白虎通云王者易姓而起天下太平功成封禪以告太平禪梁父之址廣厚也刻石紀號著己之功績天以高為尊地以厚為德故增泰山之高以效天禪梁父之址以報地封者附廣之禪者將以功相傳授之

封禪用希曠絕莫知其儀禮而羣儒采封禪尚書周

官王制之望祀射牛事

集解蘇林曰當祭廟射其牲以除不祥瓚曰射牛示親殺

也索隱天子射牛示親殺也事見國語

齊人丁公年九十餘曰封者合

不死之名也秦皇帝不得上封陛下必欲上稍上即

無風雨遂上封矣上於是乃令諸儒習射牛草封禪

儀

索隱見應劭漢官儀也

數年至且行天子既聞公孫卿及方

士之言黃帝以上封禪皆致怪物與神通欲放黃帝

以嘗接神僊人蓬萊士高世比德於九皇

集解張晏曰三皇之

前有人皇九首韋昭曰上古人皇者九人也

而頗采儒術以文之羣儒既

以不能辯明封禪事又牽拘於詩書古文而不敢騁

上為封祠器示羣儒羣儒或曰不與古同徐偃又曰

太常諸生行禮不如魯善周霸屬圖封事

集解服虔曰屬會也

會諸儒圖封事

於是上絀偃霸盡罷諸儒弗用三月遂東幸

緱氏禮登中嶽

集解文穎曰崧高山也在潁川陽城縣

太室

集解韋昭曰崧高山

有太室少室之山山有石室故以名之

從官在山下聞若有言萬歲云

正義漢儀注云有稱萬歲可十萬人聲

問上上不言問下下不言於是

以三百戶封太室奉祠命曰崇高邑

正義顏師古云以崇奉崧高山

故謂之崇高也

東上泰山山之草木葉未生乃令人上石立

之泰山巔上遂東巡海上行禮祠八神

集解文穎曰武帝登泰山

祭太一并祭名山於泰壇西南開除八通鬼道故言
八神也一曰八方之神索隱韋昭云八神謂天地陰
陽日月星辰主四時之屬今按郊祀志一曰天主祠
天齊二曰地主祠太山梁父三曰兵主祠蚩尤四曰
陰主祠三山五曰陽主祠之朶六曰月主祠之
萊山七曰日主祠成山八曰四時主祠琅邪 齊人

之上疏言神怪奇方者以萬數然無驗者乃益發船

令言海中神山者數千人求蓬萊神人公孫卿持節

常先行候名山至東萊言夜見一人長數丈就之則

不見見其跡甚大類禽獸云羣臣有言見一老父牽

狗言吾欲見巨公

集解駟按漢書音義曰巨公謂武帝已忽不見上既

見大跡未信及羣臣有言老父則大以為僊人也宿
留海上與方士傳車及間使求僊人以千數四月還
至奉高上念諸儒及方士言封禪人人殊不經難施
行天子至梁父禮祠地主乙卯令侍中儒者皮弁薦
紳射牛行事封泰山下東方如郊祠泰一之禮封廣
丈二尺高九尺其下則有玉牒書書秘禮畢天子獨
與侍中奉車子侯集解駟案漢書百官表曰奉車都尉掌乘輿車武帝初置韋昭曰子侯霍去病之子也上泰山亦有封其事皆禁明日下陰道丙

辰禪泰山下趾東北肅然山如祭后土禮天子皆親

拜見衣上黃而盡用樂焉江淮間一茅三脊

集解孟康曰所

謂靈茅也

為神籍五色土益雜封縱遠方奇獸蜚禽及白

雉諸物頗以加祠咒旄牛犀象之屬弗用皆至泰山

然後去封禪祠其夜若有光晝有白雲起封中天子

從封禪還坐明堂

集解漢書音義曰天子初封泰山東北趾古時有明堂處則此所

坐者明年秋乃作明堂

羣臣更上壽於是制詔御史朕以眇眇

之身承至尊兢兢焉懼弗任維德菲薄不明于禮樂

脩祀泰一若有象景光屑如有望

集解瓚曰聞依
呼萬歲者三

震於怪物欲止不敢遂登封泰山至於梁父而后禪

肅然

集解服虔曰肅
然山名在梁父

自新嘉與士大夫更始賜民百

戶牛一酒十石加年八十孤寡布帛二匹復博奉高

蛇丘

集解鄭玄
曰蛇音移

歷城毋出今年租稅其赦天下如乙

卯赦令行所過毋有復作事在二年前皆勿聽治又

下詔曰古者天子五載一巡狩用事泰山諸侯有朝

宿地其令諸侯各治邸泰山下

正義諸侯各於泰山
朝宿地起第准擬天

子用事泰
山而居止

天子既已封禪泰山既無風雨菑而方士

更言蓬萊諸神山若將可得於是上欣然庶幾遇之

乃復東至海上望冀遇蓬萊焉奉車子侯暴病一日

死上乃遂去並海上北至碣石巡自遼西歷北邊至

九原五月返至甘泉

集解駢案漢書音義曰周萬八千里也

有司言寶

鼎出為元鼎以今年為元封元年其秋有星茀于東

井

集解韋昭曰秦分野也後衛太子兵亂茀音佩

後十餘日有星茀于三能

集解韋昭曰三能三公後連坐誅之

望氣王朔言候獨見其星出如瓠

索隱郊祀志填星出如瓠故顏師古以德星即鎮星
今按此紀惟止言德星則德星歲星也歲星所在有
福故曰食頃復入焉有司言曰陛下建漢家封禪天
德星

其報德星云其來年冬郊雍五帝還拜祝祠泰一贊

饗曰德星昭衍厥維休祥壽星仍出

索隱壽星南極老人星也見則

天下理安淵耀光明信星昭見

索隱信星鎮星也信屬土土曰鎮星漢志

為得皇帝敬拜泰

集解徐廣曰一無此字

祝之饗其春公孫卿

言見神人東萊山若云見天子天子於是幸緱氏城

拜卿為中大夫遂至東萊宿留之

索隱音秀溜宿留遲待之意若依字

讀則言宿而留亦是有所待並通數日毋所見見大人跡復遣方士

求神怪采芝藥以千數是歲旱於是天子既出毋名

乃禱萬里沙集解應劭曰萬里沙神祠也在東萊曲城孟康曰沙徑三百餘里過祠

泰山集解鄧展曰泰山自東復有小泰山瓚曰即今之泰山還至瓠子集解服虔曰瓠

子堤名蘇林曰在甄城以南濮陽以北廣百步深五丈許瓚曰所決河名自臨塞決河索隱

按河渠書武帝自臨塞決河將軍以下皆負薪填之留二日沈祠而去索隱按

祭河決於是作瓠子歌見河渠書使二卿將卒塞決河河徙二渠復

禹之故跡焉是時既滅南越越人勇之集解韋昭曰越地人名也

乃言越人俗信鬼而其祠皆見鬼數有效昔東甌王敬鬼壽至百六十歲後世謾怠故衰耗乃立越巫立

越祝祠安臺無壇亦祠天神上帝百鬼而以雞卜

集解

駟案漢書音義曰持雞骨卜如鼠卜正義雞卜法用雞一狗一生祝願訖即殺雞狗煮熟又祭獨取雞两眼骨上自有孔裂似人物形則吉不足則凶今嶺南猶行此法也 上信之越祠雞卜

始用焉公孫卿曰僊人可見而上往常遽以故不見

今陛下可為觀如緱氏城

集解韋昭曰如猶比也

置脯棗神人

宜可致且僊人好樓居於是上令長安則作蜚廉桂

觀

集解應劭曰飛廉神禽能致風氣晉灼曰甘泉則身如鹿頭如雀有角而蛇尾文如豹文也甘泉則

作益延壽觀使卿持節設具而候神人乃作通天臺

集解徐廣曰在甘泉索隱漢書作通天臺於甘泉宮按漢書舊儀臺高五十丈去長安二百里望見長安

城置祠具其下將招來神僊之屬於是甘泉更置前

殿始廣諸宮室

索隱姚氏案揚雄云甘泉本因秦離宮既奢秦武帝復增通天高光迎風

宮外近則有洪厓旁皇儲胥弩陸遠則有石闕封巒枝鵲露寒棠梨師得遊觀屈奇瑰偉又有高華溫德

法相曾成宮白虎走狗天梯瑤臺仙人弩思觀皆壯麗也

夏有芝生殿防內中

集解

徐廣曰元封二年也索隱按生芝九莖作芝房歌

天子為塞河興通天臺若

有光云

集解李奇曰為此作事而有光應璦曰作通天臺也

乃下詔曰甘泉防

生芝九莖

集解應劭曰芝芝草也其葉相連如淳曰瑞應圖云王者敬事耆老不失舊故則芝

草赦天下毋有復作其明年伐朝鮮夏旱公孫卿曰

黃帝時封則天旱乾封

正義乾音干顏師古云三歲不雨暴所封之土令乾三

年上乃下詔曰天旱意乾封乎

集解蘇林曰天旱欲使封土乾燥如淳曰

但祭不立尸為乾封

其令天下尊祠靈星焉

正義靈星即龍星也張晏云龍星左

角曰天田則農祥也見而祭之

其明年上郊雍通回中道巡之

集解徐廣

曰在扶風汧縣

春至鳴澤

集解服虔曰鳴澤澤名也在涿郡道縣北界

從西河歸

其明年冬上巡南郡

集解徐廣曰元封五年也

至江陵而東登禮

潛之天柱山號曰南嶽

集解應劭曰潛縣屬廬江南嶽霍山也

文穎曰天柱山在

潛縣南有祠

浮江自尋陽出樅陽

集解駉案地理志廬江有樅陽縣

過彭

蠡祀其名山川北至琅邪並海上四月中至奉高脩

封焉初天子封泰山泰山東北趾古時有明堂處處

險不敞上欲治明堂奉高旁未曉其制度濟南人公

玉帶上黃帝時明堂圖

索隱玉或音肅公玉姓帶名姚氏按風俗通齊湣王臣有

公玉冉其後也音語錄反三輔決錄云杜陵有玉氏音肅說文以為從玉音畜牧之畜今讀公玉與決錄

音同然二姓單複有異單姓者明堂圖中有一殿四音肅後漢司徒王況是其後也

面無壁以茅蓋通水圜宮垣為複道上有樓從西南

入命曰昆侖

索隱玉帶明堂圖中為複道有樓從西南入名其道曰崑崙言其似崑崙山之

五城十二樓故名之也

天子從之入以拜祠上帝焉於是上令

奉高作明堂汶上

集解徐廣曰在元封二年秋

如帶圖及五年脩

封則祠泰一五帝於明堂上坐令高皇帝祠坐對之

祠后土於下房以二十太牢天子從崑崙道入始拜

明堂如郊禮禮畢燎堂下而上又上泰山有祕祠其

顛而泰山下祠五帝各如其方黃帝并赤帝而有司
侍祠焉泰山上舉火下悉應之其後二歲十一月甲
子朔旦冬至推歷者以本統天子親至泰山以十一

月甲子朔旦冬至日祠上帝明堂每修封禪其贊饗

曰天增授皇帝泰元神筴

索隱按贊饗之辭言天授皇帝泰元神筴周而復始

又按黃帝得寶鼎神筴則泰元者古昔上皇周而復
創歷之號故此云泰元神筴者周而復始也

始皇帝敬拜泰一東至海上考入海及方士求神者

莫驗然益遣冀遇之十一月乙酉

集解徐廣曰栢梁
二十二日也

裁十二月甲午朔上親禪高里

集解伏儼曰山名在秦山下

祠后

土臨渤海將以望祠蓬萊之屬冀至殊庭焉

集解駢案漢書

音義曰蓬萊庭索隱冀漢書作幾幾近也冀望也並通服虔曰蓬萊中僊人殊庭者異也言入僊人異域

也上還以栢梁裁故朝受計甘泉

正義顧脣云栢梁被燒故受計獻之

物於甘泉也顏師古曰受郡國計簿也

公孫卿曰黃帝就青靈臺十二

日燒

集解徐廣曰日一作月

黃帝乃治明庭明庭甘泉也方士

多言古帝王有都甘泉者其後天子又朝諸侯甘泉

甘泉作諸侯邸勇之乃曰越俗有火裁復起屋必以

大用勝服之於是作建章宮

正義括地志云建章宮在雍州長安縣西二十

里長安度為千門萬戶前殿度高未央其東則鳳闕

高二十餘丈

索隱三輔黃圖曰武帝營建章起鳳闕高二十五丈闕中記一名別風闕以言

別四方之風西京賦曰闔闔之內別風嶠嶠是也三輔故事云北有園闕高二十丈上有銅鳳皇故曰鳳

闕也其西則唐中數十里虎圈

索隱如淳曰詩云中唐有甃鄭玄云唐堂庭也

爾雅以廟中路謂之唐西京賦曰前開唐中彌望廣

濠也正義園其遠反括地志云虎圈今在長安城中

西偏其北治大池漸臺正義顏師古云漸浸也臺在池中為水所浸故曰漸按王

莽死此

高二十餘丈名曰泰液

正義臣瓚云泰液言象陰陽津液以作池

也池中有蓬萊方丈瀛洲壺梁象海中神山龜魚之

屬

索隱三輔故事云殿北海池北岸有石魚長二丈廣五尺西岸有石龜二枚各長六尺

其南

有玉堂壁門大鳥之屬

索隱漢武故事玉堂基與未央前殿等去地十二丈

乃

立神明臺

索隱漢宮闕疏云臺高五十丈上有九室常置九天道士百人

井幹樓度

五十餘丈輦道相屬焉

索隱關中記宮北有井幹臺高五十丈積木為樓言築累

萬木轉相交架如井幹司馬彪注莊子云井幹井欄也又崔譔云井以四邊為幹猶築牆之有楨幹又諸

本多作幹一本作榦音說文云榦井橋

夏漢改歷以正月為歲首而色

尚黃官名

集解徐廣曰一無名字

更印章以五字

集解張晏曰漢據土德土

數五故用五為印文也若丞相曰丞相之印因為太章諸卿及守相印文不足五字者以之足也

初元年是歲西伐大宛蝗大起丁夫人

集解韋昭曰丁姓夫人名

雒陽虞初等以方祠詛匈奴大宛焉其明年有司言

雍五時無牢熟具芬芳不備乃命祠官進時犢牢具

五色食所勝

集解孟康曰若火勝金則祠赤帝以白牡

而以木耦馬代駒

焉

索隱一音偶孟康云寓寄龍形於木又姚氏云寓假也以言假木龍馬一駒非寄寓龍馬形於木也

獨五帝用駒行親郊用駒及諸名山川用駒者悉以

木耦馬代行過乃用駒他禮如故其明年東巡海上

考神仙之屬未有驗者方士有言黃帝時為五城十

二樓

集解應劭曰崑崙縣圖五城十二樓仙人之所常居也

以候神人於執期

集解駢案漢書音

義曰執期地名也命曰迎年

正義顏師古云迎年若言祈年

上許作

之如方明年上親禮祠上帝衣上黃焉公玉帶曰黃

帝時雖封泰山然風后封鉅

集解應劭曰封鉅黃帝師岐伯

正義張揖

云岐伯黃

帝太醫令黃帝封東泰山禪凡山

集解徐廣曰在琅邪朱虛縣汶

水所出凡山亦在朱虛

合符然後不死焉天子既令設祠具至

東泰山東泰山卑小不稱其聲乃令祠官禮之而不

封禪焉其後令帶奉祠候神物夏遂還泰山修五年

之禮如前而加禪祠石閭石閭者在泰山下趾南方

方士多言此僊人之閭也故上親禪焉其後五年復

至泰山修封

集解徐廣曰天漢三年李陵以天漢二年敗也

還過祭常山今

天子所興祠泰一后土三年親郊祠建漢家封禪五

年一修封薄忌泰一及三一冥羊馬行赤星五寬舒

之祠官

集解李奇曰祀名也索隱赤星即上靈星祠靈星龍左角赤故曰赤星五者太一也三一

也冥羊也馬行也赤星也以歲時致禮凡六祠索隱凡五並令祠官寬舒領之

之外有正太一后
土祠故云六也皆太祝領之至如八神諸神明年

凡山他名祠行過則祀去則已方士所興祠各自主
其人終則已祠官弗主他祠皆如其故今上封禪其
後十二歲而還徧於五嶽四瀆矣而方士之候祠神
人入海求蓬萊終無有驗而公孫卿之候神者猶以
大人跡為解無其效天子益怠厭方士之怪迂語矣
然終羈縻弗絕冀遇其真自此之後方士言祠神者
彌衆然其效可睹矣

集解徐廣曰猶今人云其事已可知矣皆不信之耳

太史公曰余從巡祭天地諸神名山川而封禪焉入
壽宮侍祠神語究觀方士祠官之言於是退而論次
自古以來用事於鬼神者具見其表裏後有君子得
以覽焉至若俎豆珪幣之詳獻酬之禮則有司存焉
索隱述贊曰孝武纂極四海承平志尚奢麗尤敬神
明壇開八道接通五城朝親五利夕拜文成祭非祀
典巡乖卜征登嵩勒岱望景傳聲迎年祀日改厯定
正疲耗中土事彼邊兵日不暇給人無聊生俯觀羸
政幾欲
齊衡

史記卷十二

史記卷十二考證

孝武本紀○魏書王肅傳云武帝聞其述史記取孝景及己本紀覽之於是大怒削而投之於今此兩紀有錄無書衛宏漢舊儀注云太史公作景帝本紀極言其短及武帝過武帝怒而削去後坐舉李陵陵降匈奴故下太史公蠶室有怨言下獄死此紀乃元成間褚先生取班書補之臣照按漢書司馬遷傳云十篇缺有錄無書張晏曰遷沒之後亡景紀武紀禮書樂

書兵書漢興以來將相年表日者列傳三王世家龜策列傳傳靳列傳元成之間褚先生補缺作武帝紀三王世家龜策日者傳言辭鄙陋非遷本意也而顏師古則云序目本無兵書張晏云亡失此說非也信矣顧張晏所稱褚先生補書惟一紀一世家二傳而餘六篇並未著為誰氏所補又六篇中兵書既屬本無則止九篇與班固所云十篇缺者又不符合然則其五篇之果缺與否并亦難信也今擇其如孝武本

紀等灼然無疑者則低一行刻以別之餘並存疑子

曰吾猶及史之闕文也古人疑以傳疑其為功後世
豈淺耶今不聽史記之闕而補之魚目明珠混不可
辨亦可惜已顧班固作史時十篇雖亡而或後人得
之若河內女子舜典二十八字之類亦屬事之所有
或今之所缺轉不至十篇之多惜載籍闕如不可得
而考也至若孝武本紀更與餘篇不同自叙目內並
不云孝武本紀也遷死於武帝之前安得有孝武之

稱目云作今上本紀夫既曰今上本紀則自當有目
無書且遷作本紀自黃帝以至武帝則自當無書而
有其目班固云十篇缺並不載何十篇缺則固意數
今上本紀與否尚未可知後人奮起補之補之而又
全錄封禪書以為孝武本紀愚陋妄謬極矣恐褚先
生亦不至於此張晏所謂褚先生補者亦臆說也至
遷傳云遷死後其書稍出宣帝時遷外孫楊惲祖述
其書遂宣布焉乃魏書王肅傳謂武帝聞其述史記

取孝景及己本紀覽之大怒削而投之於今此兩紀

有錄無書誠齊東之語矣又遷腐刑後為中書令尊
寵任事故人任安責其不能薦天下豪俊遷報書云
云具載本傳書云僕誠已著此書藏之名山傳之其
人通邑大都則償僕前辱之失雖萬被戮豈有悔哉
是遷被腐刑久而書尚未成也乃衛宏漢舊儀注云
太史公作景紀極言其短及武帝過武帝怒而削去
後坐舉李陵陵降匈奴故下蠶室是書成於赦李陵

之前何其謬哉且馬遷本傳但云遷死其書稍出並不言其下獄死而衛宏又以為武帝以遷有怨言下獄死皆所為無稽之談也

少君者故深澤侯入以主方集解徐廣曰進納於天子而主方一云侯人主方駟案如淳曰侯家人主方藥者也○臣世駿按封禪書作深澤侯舍人此明脫舍人二字徐裴紛紛持疑未相覈對耳

而使黃鍾史寬舒受其方集解韋昭曰人姓名駟案漢

書音義曰二人皆方士○臣召南按始皇紀云過黃
腫注云地理志東萊有黃縣腫縣恐史寬舒蓋黃腫
間人鍾與腫字體小異或傳寫各別只是地名非別
有黃鍾其人也年表有鍾侯索隱曰縣屬東萊字亦
從金不從月

神君最貴者大夫○封禪書言最貴者太一此作大夫
疑傳寫之誤

得四金印佩天士將軍地士將軍大通將軍天道將軍

印○臣照按封禪書無天道將軍四字此有之疑天道即大通傳寫之誤後人不知妄加以此為四金印耳其實合五利將軍為四也下文云天若遺朕士而大通焉即天士地士大通之解也下天道將軍則刻玉立白茅上受之

上帝鬼神集解服虔曰以祭祀上帝或曰嘗烹酌也○或曰嘗烹酌也六字宜在前徐廣曰皆嘗以烹牲牢而祭祀也下錯簡在此

宋之社亡正義覆上棧下使通天地陰陽之氣○通上宜有不字

於是甘泉更置前殿始廣諸宮室索隱姚氏按揚雄云○云字宜作傳下乃班固漢書之文非甘泉賦中語也

芝生殿防內中○臣照按隸辨曰校官碑董竝字公防按即防字唐公房碑君字公防房亦作防隸釋云隸法房字其戶皆在側故人多不曉或作防或作昉皆

誤也據此則今本史記武帝紀芝生殿內防中漢書
溝洫志築宮其上名曰宣防皆防字傳寫之誤內中
二字必有一衍或曰按爾雅防即今屏風防若是屏
風諸儒必有注解今無之知防為房之訛也

史記卷十二考證